

Izjava: Visoki predstavnik kaže da Vijeće ministara sutra mora imenovati direktora Državne granične službe

Visoki predstavnik apeluje na Vijeće ministara BiH da na sutrašnjoj sjednici napokon imenuju direktora i više rukvodioce Državne granične službe.

DGS je bez rukovodstva od 17. jula zbog neodgovarajućeg političkog uplitanja u rad Vijeća ministara. Dok se svijet bori sa prijetnjom terorizma i BiH pokušava da se suoči sa endemskim organizovanim kriminalom te traži ublažavanje viznog režima za putovanje građana BiH – nepostajanje uprave u DGS-u postaje kritično.

Ranije ove sedmice visoki predstavnik je jasno rekao da će biti prisiljen da interveniše ukoliko Vijeće ministara ne uspije razriješiti ovaj problem.

Trenutni ćorsokak – uzrokovan političkim uplitanjem – spriječio je imenovanja na druge visoke položaje u Državnoj agenciji za istrage i zaštitu (SIPA) i DGS-u. U Agenciji za državnu službu je završen proces selekcije kandidata za zamjenika direktora SIPA-e te načelnika odjela za kriminalističku istragu i načelnika odjela za internu kontrolu. Osim direktora, u DGS-u trebaju da budu imenovani i zamjenik te pomoćnici direktora.